

359 360

OPUSCULUM DECIMUM SEXTUM.

RHETHORICÆ DECLAMATIONIS INVECTIO IN EPISCOPUM MONACHOS AD SÆCULUM
REVOCANTEM. AD GISLERIUM EPISCOPUM AUXIMANUM.

ARGUMENTUM. — Redarguit quèmdam episcopum, qui ausus fuerat asserere monachum religionis habitum semel susceptum posse, propter ægritudinem aut alias causas, deserere ; quod quam sit impium, et sacris canonibus conciliorumque statutis contrarium pluribus ostendit, et firmissimis rationibus comprobat a religionis proposito recedere non licere.

Domino Gislerio Auximano episcopo, PETRUS ultimus monachorum servus, ferventissimæ devotionis obsequium.

Non vobis excedit, reverentissime præsul, quia de reprobis illis viris, qui spreto religionis habitu ad sæculum sunt relapsi, saepe una conquesti, saepe communi sumus tædio lamentati. Nuper autem cum te corporali valetudine laborante, Romanæ synodo me interesse contingeret, hujus rei notitiam domino papæ suggestore congruum judicavi : ille autem utpote vir sanctissimus, juxta sincerissimæ charitatis viscera, quæ in templo sui pectoris videntur, rem valde perdoluimus, et mox congruum immanissimo vulnieri remedium adhibere curavit. Itaque quia ad execucionem hujus negotii idoniorem in illis partibus virum nequit addiscere, suas ad te censuit litteras destinare, quaenam prævaricatores illos secundum prudentiæ tuæ facundiam convenires, et obedere volentes ad suum propositum revocares ; qui vero rebelles existarent, perpetui anathematis sententia ferirentur.

Dominum autem Guidonem Numanum episcopum in predicto concilio reperi, et quia ille, ut nosti, incitamenta præbere huic vitio dicebatur, fateor peccatum meum, dure illum succensere præsumpsi. Ille nimur vir dignæ humilitatis, et patientiæ, et non solum sacræ eloquii, sed etiam liberalium artium studiis eruditus, insuggillantem quidem me patienter tulit : objecti vero criminis culpam negando, detestando, Dei testimonium implorando, disertissime propulsavit. Ultro etiam pro me cœpit verborum suorum tela dirigere, qui adversum me falso dicebatur eatenus dimicare. Sed licet venerabilis ille vir innocens repertus sit, ego tamen vibrati jam jaculi impetu non continui, sed verso nomine aliam hoc personam, cum qua consigerem, introduxi : ut nimur ille se hoc vocabulo notatum non ambigat, quisquis improbe ad hujus controversiæ certamen aspirat. Et licet auctor hujus flagitiæ nunc manifestus non sit, tamen dum latere ad tempus nititur, immunitatem de fugæ suæ latibulo non lucratur. Sed sic armatus disputationis ordo draconæ foveæ foramen obsideat, quatenus mox ut emerserit, in imminentem gladium subito constrin-gendus impingat.

Quapropter post illam summæ auctoritatis epi-

A stolam, hoc etiam opusculum suscipe, et sic revera Benjamin filius utraque manu bicipiti armatus gladio, in constipatos hostes irrumpe, quatenus illa ac si validus vomer ad viros aconitum raditus evellendum zizaniati pectoris arva proscindat. Hoc quasi vilius sarculus subsequens glebas frangat, imo ut exemplum congruentius proferatur, hoc velut orator manifesti criminis reos esse convineat, quos illa auctoritas, velut arbiter præsidens, canonici rigoris censura coerceat. Sed divina gratia præduce, quem aggredi nitimur, in illum protinus invehamur.

CAPUT PRIMUM.

Quod monacho ægrotanti non licet ad sæculum reverti.

B Cogor adversum te, venerabilis episcope Mau-re, exigente necessitate, non modica scribere : compellor ultra mei ordinis metum **361** sacerdotis, sermonibus non sacerdotalibus obviare ; undique coarctor, undique premor : videlicet et contra episcopum loqui superbum est, et ad talia conticescere, consensum est adhibere. Sed melius est, ut arrogans solus appaream, quam ad multorum perniciem mortale vitium, quod nunc in primis oritur, inolecat. Magis eligendum est de simplicitate locutionis in episcoporum judicio corripi, quam ante tribunal superni judicis de silentio condemnari. Nempe ante hoc fere biennium dum in angusto cellulæ meæ angulo latitarem, sinistrum quid et mœrore plenum ad me fama discurrente perlatum est : videlicet quod nonnulli perdi homines post Satanam conversi, monachicum habitum sacrilega temeritate desererent, et exsecrabi apostasia ad sæcularem militiam denuo repedarent : qui nimur in tam profundi criminis barathrum lapsi, tuis ad audendum exhortationibus incitari, tua ad persistendum dicebantur auctoritate fulciri. Ferrebaris enim dicere, quia nisi quis regulariter protractus, et per longa temporum spatia, sicut monastica præcipit regula, sit probatus, si aliter, aut propter ægritudinem, aut quoilibet alio modo ad monachicum pervenerit ordinem, liberam redeundi ad sæculum habeat facultatem.

Super cuius rei capitulo tunc temporis brevem tibi epistolam misisse me memini, et ut ab hac pestifera doctrina cessares, debita humilitate sug-

gessi. Nuper autem apud Auximum constitutus, a pluribus didici, quia in tua adhuc nihilominus intentione obstinatissime perseveras, et contra divinæ legis auctoritatem, contra ecclesiasticæ consuetudinis normam, eadem dogmatizare non cessas. Unde satis miror, quo pacto prudens homo, et non omnino a litterarum studiis alienus, tam incautam, tam perversam, tam noxiā possit proferre sententiam; quæ videlicet communi hominum saluti contraria, ad nil aliud nisi ad claudendam cœlestis regni januam peccatoribus procul dubio videtur esse prolata. Die rogo, quis hanc sententiam repehit, nisi ille qui primum hominem de paradisi amoenitate dejicit? Quis, inquam, tam crudele, tam impium promulgavit edictum, nisi is qui Cain fratricidam in desperationis voraginem mersit, et non ad evadendum ruinæ periculum, sed ad profundius cotruendum dicere docuit: « Major est iniquitas mea, quam ut veniam merear? » (Gen. iv.)

Quæ est enim ista dementia? quæ vesania? quæ crudelitas? Habet homo disponendarum rerum suarum liberari facultatem, ut semetipsum Deo offerat potestatem non habet? Valet hominibus tradere substantiam suam, non habet libertatem Deo reddere animam suam? Licet homini lapsurum animal ab hiantis putei ore propelleret, ruituram mox in infernum animam non licet poenitentiæ remedio liberare? Porro si ipse Deus omnipotens, qui offensus est, paratus est ut recipiat, quis est hic qui voluntes currere ab ipso pietatis fonte compescat? Si Creator paratus est ut peccatis ignoscat; quis est iste qui peccatorem converti prohibeat? Quid est enim aliud monachum fieri, quam converti? Sed qui hominem non posse monachicum subire propositum in languore corporis **362** constitutum dengat, profecto non posse converti indubitanter affirmat; quod si semel admittitur, nulli dubium quin poenitentia, quæ spes est peccatorum, et unicum salutis humanæ remedium, destruatur.

Ecce igitur peccatoris anima perdita, irresponsibili busseris (*sic!*) janua vitæ damnata, et omnis spes humanæ reparationis evulsa. Sed clamat e diverso divina pietas, dicens: « Quacunque hora peccator conversus fuerit, vita vivet et non morietur (Ezech. xviii); » et iterum: « Nolo mortem peccatoris, sed ut convertatur, et vivat (*Ibid.* xxxv). » Et cum conversus ingemuerit, tunc salvus erit. Et ut canonicæ auctoritatis compendium proferam: *Quicunque negat, etiam in ultimo vitæ spiritu, poenitentiam abolere non posse peccata, Novatianus est, non Christianus.*

CAPUT II.

An ægrotus habitum religiosum induere possit.

Dum ergo monachum fieri hoc sit utique converti, et conversionis remedium nulla hora respuit, nullum tempus excludit; constat procul dubio, quia in ægritudine constitutus, sicut converti cum vult, nullius auctoritatis obstaculo præpeditur; ita etiam ut monachus fiat, absque ulla refragatione

A recto jure conceditur. Sed cum Jacobus dicat: « Qui converti fecerit peccatorem ab errore viæ suæ, salvabit animam ejus a morte (*Jac.* v): » cuius homicidii reus efficitur, qui peccatori dissuadet e diverso, ne convertatur? Nempe, nisi fallor, illius quod non quandoque moriturum corpus occiditur, sed victura in perpetuum anima trucidatur.

At forsitan, inquies, non quidem prohibetur in corporali molestia positus, ad portum monachici ordinis repente confugere, sed licet si convalescerit, ad pristinæ conversationis habitum remeare. Sed clamat, imo reclamat ipsa Veritas tam perspicue falsitati, cum dicit: « Nemo mittens manum suam ad aratum, respiciens retro, aptus est regno Dei (*Luc.* ix). » Dignum quippe est, ut sicut quis ad Deum veniens aptus sit regno Dei, sic a Deo recedens, non aptus sit postmodum regno Dei. Ii quippe tales, ut experimento didicimus, non in eadem, in qua primitus fuerant, malorum mensura persistunt; sed postquam ad vomitum redeunt, ad iniquitatum voraginem profundius devolvuntur. Sicut et illi nuperrime contigit, qui tuo, ut fertur, hortatu, sanctæ conversationis habitum deseruit: deinde vix brevi dierum peracto circulo, innocentem hominem suis manibus interemit. In quo videlicet reprobo viro adimpletum cernimus, quod dictum ex ore Veritatis audivimus, nimur, quia immundus spiritus, qui eum ante reliquerat, postmodum rediens septem alios nequiores se spiritus assumpsit (*Luc.* xi), et cum his omnibus in familiari suo vasculo pestilentius habitavit; siuntque novissima hominis illius pejora prioribus.

Sane si terreae militiae transfugam non solum mundanæ leges abjiciunt, sed etiam sacri canones infames appellant, adeo ut eum etiam ad reddendum in contentione testimonium non **363** recipiant: qui in superni imperatoris arma juraverat, qui chlamydem jam militiae cœlestis induerat, qui balteum castitatis accinxerat, qui donativum sacri verbi ab ipso militum duce suscepserat, quo judicio, quo jure, qua fronte jani potest propriæ professionis castra deserere, et suo vomitu delectatus, ad ea quæ contempserat, quæ abrenuntiaverat, quæ damnaverat, mundi ludibriæ azimum revocare? Fœdus mortale cum mortali paciscimur, et servamus; Deo sponsionem facimus, et fidem frangere non timemus. Homo homini violæ cautionis tenetur obnoxius; qui auctorem hominum fallere nititur, innocens judicatur? Fallax debitor ab exactore constringitur; qui semetipsum Deo subtrahit, immunis habetur? Nunquid servus venia dignus est, qui violata fide non solum recedit a Domino, sed ultrò se ejus sociat inimico? Nam quod Deus huic mundo inimicus sit, audi Jacobum dicentem: « Qui vult, inquit, amicus esse sæculi hujus, inimicus Dei constituitur (*Jac.* iv). »

Et ut ad sententiam redam, conservus, qui hujus effugii incensor efficitur, nunquid non districta Dominicæ animadversionis ultione plectetur; et pœ-

na, quam uterque meruerat, in unum caput con-
gesta retinendit? Præsertim si ejusmodi fraudis
ille servus impeditur, qui rectotis loco positis, cæte-
ris præesse videbatur; et qui debebat extraneos ad
domini sui servitium trahere, ipse e contra domesti-
cos compellat exire: et, ut ita dixerim, cuius erat
officium violentos incursantium ferarum impetus ad
domini sui gregem compescere, ipse satagat cruen-
tis luporum dentibus simplices oves offerre.

CAPUT III.

Prælati perniciosi deplorandi.

Quid ad hæc dicam? Quod dolori meo solamen
inveniam? Compellor exclamare, compellor amari-
tudinem mei cordis effundere, ut videlicet dicam:
O tempora, o mores, o ferreum sæculum! Ferreum,
inquam, sæculum, in quo aurum in scoriam verti-
tur, et argenti speciem vilis stanni vena mentitur
(Isa. xx.; Ezech. xxx). In quo projecti sunt lapides
sanctuarii in capite omnium platearum (Thren. iv),
et est sicut populus, sic sacerdos; sicut servus; sic
dominus ejus. Nam quis tam inveniri possit elin-
guis, qui non ad hæc saltem in voce lamentationis
erumpat? Quis tam ferreus, quis tam lapideus, cu-
jus cor vulnera ista non sentiat? Pervenit enim gla-
dius usque ad animam. Nimirum mundus se ad finem
delapsus ruinis crebrescentibus indicat: et episcopi,
qui animas ad Deum trahere importune debuerant,
student qualiter homines a Dei servitute recedant?
Judex jam vicinus appropiat, et præco, ut cives fu-
giant, clamat? Ante tribunal superni judicis jamjam
humani generis summa colligitur, et a sacerdote
præcipitur, ut homines ad sacerdotia negotia disper-
gantur? Proh dolor! haccine sacerdotalis ordo re-
dactus est, ut qui constituti sunt mundum sanctæ
prædicationis luce perfundere, ipsi potissimum co-
nentur homines perversorum dogmatum tenebris
obscureare? Et qui positi sunt **364** de agro Ecclesiæ
cunctos errorum vepres evellere, ipsi non verean-
tur aculeatos erroneæ pravitatis tribulos seminare?
Olîni cum florens adhuc mundus blandiretur, ho-
minum plurimos ab eo subtrahebat docta lingua
pastorum: nunc autem cum jam evidentissime se
mundus despabilem indicat, Pastor Ecclesiæ ut
ad eum homines revertantur invitat.

Videmus quotidie homines aliena diripere, bello-
rum studiis insudare, egenos opprimere, machinâ-
tienum tendiculas fraternalis gressibus occultare: et
ut cuncta mundi mala brevi cingulo locutionis
astrangam, omnes pene, quæ sua sunt, quærere, non
quæ Jesu Christi; nos aduersus eos nullo zelo chari-
tatis accindimus, nullis correctionibus obviamus,
nulla contradictione resistimus (*Philip. ii*). Si autem
rarissimus quilibet ex tanta hominum multitudine
aut flagellis attritus, aut divinae inspirationis gratia
provocatus, ad Creatorem suum quandoque conver-
titur, mox ad suasoriæ assentationis blandimenta
convertiscit, sacri eloquii floscules ac pravitatem
nostræ intellectus inflectimus, et sic divinis jam
obsequiis mancipatum ad mundi volutabrum redire

A posse docemus: et saepe, quod in ipsa litterarum
superficie male sentientis error intelligit, subtiliter
perscrutata intentio doctoris evertit; et quod in co-
mune recte sentiri putabatur, considerata diligenter
continui textus serie, error fuisse convincitur.

Jamjam ipsa Scriptura, quæ de monachis loquitur,
procedat in medium, ne noster adversarius con-
queratur devictum se esse sola argumentatione ver-
borum: Non mihi dialectica syllogismorum suorum
circulos offerat, non rhetorica lepidos delinifexæ
suadelæ colores infondat, non aliqua sæcularis
sapiëntia phalerata mihi suæ urbanitatis leho-
cinia suggerat; sola se, et nuda proferat auctoritas
Patrum, in quorum pectore omnipotens Deus, velut
in tribunali solio præsidens, sanctioni suæ voluit
B promulgare decretum; quatenus qui configere ni-
titur, non iam cavillantium verborum commentis,
sed ipso potius veritatis oraculo superari videatur:
et ut omne tergiversationis undique occcludatur au-
fugium, ipsos contra se in movenda lite sentiat
oratores, quos universus orbis habet et judices.

CAPUT IV.

Quod sponte suscipitur, sine peccato non deseritur.

Primus itaque magnus Leo suæ auctoritatis figat
articulum, et ut revera insuperabilis dux, ipse præ-
férat in prima belli fronte vexillum. Ait enim inter
cætera: « Propositorum monachi proprio arbitrio, aut
voluntate susceptum deseriri non potest absque pec-
cato. Quod enim quis vovit Deo, debet reddere.
Unde qui relicta singularitatis professione, ad mili-
tiam, vel ad nuptias devolutus est, publicæ poenit-
tentiae satisfactione purgandus est. Quia et si inno-
cens militia, et honestum potest esse conjugium;
electionem meliorem deseruisse, transgressio est. »
Ubi notandum, quod vir discretissimus non ait, ut
noster garrit episcopus, propositum **365** monachi
longa morositate susceptum. « Sed propositum, inquit,
monachi proprio arbitrio, aut voluntate susceptum
deseriri non potest absque peccato. » Nihil ergo virium
temporali reliquit morositati, qui totum spontaneæ
tribuit voluntati.

Si igitur propositum hoc negari non potest cum
voluntate susceptum, asseratur necesse est, cum
peccato relictum. Cui simile est illud etiam, quod
de virginibus idem vir eloquentissimus ait: « Puel-
læ, inquit, quæ non coacto parentum imperio, sed
spontaneo judicio virginitatis propositum, atque
habitum suscepérunt, si postea nuptias eligunt, præ-
varicantur, etiam si nondum eis gratia consecra-
tionis accesserit: cuius itaque non fraudarentur
munerè, si in proposito remanerent. » Audis igitur,
o episcope, quia nihil momenti morosæ conversiōni,
nihil ipsi etiam consecrationi tribuitur, sed omne
monasticæ perfectionis robur spontaneo judicio
reservatur.

Ad consultandas litigioris nostri calumnias poter-
rat, imo debuerat eminentissimus Leo sufficere,
si hic posset facile rigidam cervicem cordis sacræ
auctoritatibus inclinare: sed quia iste necdum for-

sitan flectitur, heatus quoque papa Gelasius ad te-
stimonium ducatur; scribit enim inter alia : « Quamobrem quisquis virorum, vel mulierum ha-
bitum semel induerit, vel induerunt sponte nre re-
ligiosum, aut si vir deditus Ecclesiae choro, vel
femina fuerit, aut fuit delegata puellarum mona-
sterio, in utroque sexu prævaricator ad proposi-
tum invitus reverti cogatur, ut vir detondeatur, et
puella monasterium ingrediatur. Si autem quolibet
patrōcinio desertores permanere voluerint, sacer-
dotali sententia a Christianorum cœtu habeantur
extores, ut nec locus eis ullus sit communis. » Singula, obsecro, verba subtiliter inspice, ut in
statera mentis appendens, a veritatis statu nequa-
quam valeas declinare. Perpende ergo quod dici-
tur : « Quisquis habitum semel induerit sponte
religiosum. » Ecce juxta Gelasiani decreti senten-
tiam, quacunque occasione, etiamsi nulla inter-
veniat mora probationis, quisquis religioso habitu
semel induitur, funditus sibi redeundi ad sæculum
licentia denegatur.

CAPUT V.

*An filii a parentibus Deo dicati, habitum induti,
in religione manere teneantur.*

Huic etiam non dissimile cernitur, quod in Chal-
cedonensi concilio reperitur, ubi qui semel in clero
deputati sunt, aut monachorum vitam expeli-
runt, statuimus neque ad militiam, neque ad digni-
tatem aliquam venire mundanam, sed hoc tentan-
tes, et non agentes pœnitentiam, quominus redeant
ad hoc, quod propter Deum primitus elegerunt, C anathematizari.

Toletanum quoque concilium testimonij nostræ
allegationis addat augmentum : « Monachum, in-
quit, paterna devotio, aut propria professio faciat :
Quidquid horum fuerit allegatum tenebit ; proinde
his ad mundum revertendi **366** recludimus ad-
itum, et omnes ad sæculum interdicimus regressus. » Rursus in eodem concilio, longe superius, inter alia
legitur : « Ideoque si in qualibet minori ætate, vel
religionis tonsuram, vel religionis debitam vestem,
in utroque sexu filiis, aut unus, aut ambo parentes
dederint, certe vel nolentibus, aut nescientibus
susceptam, et non mox visam in filiis abdicaverint,
vel coram se, vel coram Ecclesia, palamque in
conventu eosdem filios talia habere permiserint,
ad sæcularem reverti habitum ipsis filiisque quan-
doque penitus non licet. Sed convicti, quod ton-
suram, aut religiosam vestem aliquid habuerint,
mox ad religionis cultum habitumque revocentur,
et sub strenua discretione hujuscemodi observantæ
inservire cogantur. » (Vide scholia ad calcem opu-
sculi.)

Si placet etiam Triburensi concilium, quid de
monachis propositum relinquenteribus decernat, au-
sculta : « Quicunque, inquit, ex sæcularibus acci-
pientes pœnitentiam se totonderint, et rursus præ-
varicantes laici facti sunt, comprehensi ab episcopo
quo, ad pœnitentiam, ex qua recesserunt, revo-

A censur. Quod si aliqui per pœnitentiam irrevoca-
biles sunt, nec admoniti revertuntur, vere ut apo-
statæ coram Ecclesia anathematis sententia condem-
nentur. » Ecce hic expresse docemur, quoniam hæc
episcopis cura injungitur, non ut permanentes a
monasteriis exire suadeant, sed potius ut prævari-
cantés redire compellant. Sed quid ex illis causa-
mur hominibus, qui spontaneo convertuntur arbi-
trio, cum et illis post tergum redire non liceat,
qui tonsurantur invitj ?

Unde etiam apud Maguntinense concilium tale
promulgatur edictum : « De clericis vero hoc statui-
mus, ut qui hactenus inventi sunt, sive in canonico,
sive in monachico ordine tonsurati, sine eorum vo-
luntate, si liberi sunt, ita permaneant. »

Sed respondebis forsitan mihi, et contra tot au-
thentica sanctorum Patrum judicia, contra tot ve-
nerabilium conciliorum statuta, scutum adhuc vanæ
defensionis oppones : Esto, inquires, ut qui a pa-
rentibus offeruntur, ita permaneant : qui voluntarie
convertuntur, ad negotia mundana non redeant :
qui inviti etiam tonsurantur, jam saniori consilio
perseverare contendant. Nam de tam perspicuis
sanctorum Patrum dictis ambigere, quid est aliud,
quam nucantium astrorum globis oppositum apertis
oculis nil videre ?

Sed dic, rogo, serendumne est, et non potius
li eris vocibus arguendum, cum pravi quilibet mo-
nasteriorum rectores, qui nec Deum diligunt, nec
lucrum animarum querere comprobantur, turpis
lucri stimulis accensi, ita simplices quoque blanda
persuasione decipient, ut eos vanis promissionibus
illecos, ad monasterium trahant ; eritne hujusmodi
recta conversio, quam non in possessorem, sed in
possessione præcessit inflammata cupidio ? Ad hæc
ego sine cunctatione respondeo, et istis etiam ut a
proposito quod cœperunt deviare non liceat, con-
stanter affirmo : et ut argumentationibus propriis
ratio non indigeat, rursus ad Maguntinense conci-
lium sermo recurrat : dicit enim post multa : « Con-
stituit sane sacer iste conventus, **367** ut episcopi,
sive abbates, qui non ut in fructum animarum, sed
in avaritiam, et turpe lucrum inhabentes, quoslibet
homines illecos circumveniendo totonderint, et res
eorum tali persuasione non solum acceperunt, sed
potius surripuerunt, pœnitentiæ canonice, sive re-
gulari, ut puta turpis lucri sectatores subjaceant.
Hi vero, qui vanis promissionibus illecti, vel qui-
buslibet machinationibus persuasi, mentis inopes
effecti, rerum suarum domini esse nescientes, co-
mam deposuerunt, in eo, quod cœperunt, perse-
verare cogantur. »

Sed quoniam omnis versuti litigatoris machina
tunc exacte convincitur, si quidquid ab eo objici
posse perpenditur, velut gravissimis argumentatio-
num arietibus antea refellatur, non erubescet for-
sitam dicere, quia B. Gregorius hominem de mona-
sterio retrahi, et uxori suæ, etiamsi jam tonsu-
ratus esset, reddi præcepit. Sed et nos tibi non

immerito respondemus, quia sagitta in lapidem A testimonium quærimus, B. Gelasius memoriae primus occurrit, qui ait: « Devotis quoque virginibus nisi aut in Epiphania, aut in albis paschalibus, aut in apostolorum natalitiis sacrum minime velamen imponatur, et non ante viginti quinque annos, nisi forte, sicut de baptismate dictum est, gravi languore correptis, ne sine hoc munere de sæculo exeat, implorantibus non negetur. » Vides ergo, quia illam etiam conversionem, quam infirmare et irritam reddere sanitas poterat, infirmitas roborat, languor excusat? Et, ut ita loquar, unde conversus corruit, inde conversio convalescit.

Sed si sorte calumniaris me exemplum de mulieribus reddidisse, cum tu de viris inquireres; nolo te lateat, quod in Verniciensi concilio legitur: « Eadem, inquit, lex erit viro et feminæ. » Et si quæ dicta sunt, studiose consideras, ad disputationis vim propensius roborandam hoc non ex necessitate, sed ex tædio fecisse me non ignoras. Plane si cuncta sacrae Scripturæ testimonia, quæ huic assertioni congrua reperiuntur, tentaremus apponere, ante fortasse dies, quam exemplorum copia numerosa desiceret: quorum videlicet idcirco scribere plura postponimus, quia prolixitatis fastidium devitamus. Quapropter impudenter adhuc testimonia requirantem ad ea, quæ superius sunt congesta, remittimus; ubi ægrotos pariter et incolumes eadem regula comprehendit, quæ non solum voluntarie, sed etiam violenter conversos, ulti etiam deceptoris machinationibus persuasos in eodem proposito perseverare decernit.

CAPUT VII.

An viduae velari possint.

Tanta veneratione, tanta custodiæ censura monachicum habitum sancti Patres dignum esse censuerunt, ut pene quoconque modo illum quis semel indueret, relinquendi postmodum licentiam non haberet. Et ut, quod dicimus, testimoniis approbamus, nunquid non sæpiissime in sacris canonibus, interdicitur, ut vidua non veletur? Unde, ut de cæteris sileam, Gelasius ait: « Viduas, inquit, velare pontificum nullus attentet. Hæc tamen, quæ velari 369 etiam a pontifice prohibetur, si quolibet impulsu ipsa sibi signum sacri velaminis imposuerit, absque ullo retractatione relinquere ulterius non audebit. » Unde in Aurelianensi concilio legitur: « Viduae, quæ spontanea voluntate ab altari sacrae conversationis velamen suscipiunt, decrevit synodus in eodem proposito eas permanere. Non enim fas esse decernimus, postquam se Domino semel sub velo consecraverint, iterum eis concedi Spiritui sancto mentiri. » Et idem alibi post multa: « Nos autem auctoritate Patrum suffulti in hoc sacro conventu sancimus, et libere judicamus; si vidua sponte velamen, quamvis non sacrum, sibi imposuerit, et in Ecclesia inter velatas oblationem Deo obtulerit, velit, nolit, sanctimoniae habitum ulterius habere debet, licet sacramento confirmare velit,

CAPUT VI.

Quæ ætas requiratur in consecrandis virginibus.

Verum qui tam densissimam testium nubem oppositam tuis adinventionibus conspicis, ut jam more lubrici anguis, huc illucque te vertere constrictus manu validæ rationis minime possis, fortasse tamen adhuc de his 368 qui in ægritudine positi convertuntur, rationem tibi reddi specialiter queris; sed si cuncta, quæ-superius dicta sunt, diligenter attendas, perspicuum est, te superfluo de specie illud ambigere, quod de genere cogeris affirmare. Si enim de omnibus non solum sponte, sed etiam coacte conversis, de his etiam qui despiciuntur, conversio rata decernitur; qualiter in ægrotis ad hoc inenarrabiliter æstuantibus, et cum magno desiderio flagitiantibus non eadem præcipue sententia conservetur?

Nam ut de viris taceam, quibus ad conversionis remedium nulla præjudicat ætas, nullum tempus obseruit, ipsas etiam virgines, quas nisi in præcipuis festivitatibus, et post viginti quinque annos ætatis consecrari minime licet, languore tamen correptas et consecrari, et sacrum velamen suscipere plenissime licet. Cui assertioni dum adhiberi

eo tenore et ratione velamen sibi imposuisse, ut iterum posset deponere. »

Liquet igitur, quia et illa conversio, quæ legaliter non processit, et fieri omnino non debuit; tamen propter sacri ordinis reverentiam, postquam facta est, jam non permittitur violari. Si ergo illam conversionem sancti Patres roborant factam, quam et ipsi prohibuere futuram; quid de illa, obsecro, sentiendum est, ad quam venientes adhortationibus provocant, in qua positos cibtestantur ut persevere non desinant? Sic etiam tu, si quovis pacto subitanea tibi conversio displicebat, ut a sanctorum Patrum norma in nullo te dissidentem ostenderes, poteras forsitan convertendis quidem aliquid de mora conversionis objicere; conversis autem absit, ut quod irrevocabiliter actum est, doceas retractare. Et quia sermo se de malieribus intulit, cur ista de velatis viduis diximus, cum et virgines, quæ nullo adhuc sacro velamine conteguntur, si saltem permanere se in virginali proposito simulaverint, districte prohibentur, ut nubere non præsumant? Super quibus Innocentius papa sic scribit: « Hæ vero, quæ necdum sacro velamine tectæ, tamen in proposito virginali sémper se simulaverant permanere, licet velatæ non fuerint; si forte nupserint, revocandæ sunt, et agenda pœnitentia illis est; quia sponsio earum a Domino tenebatur. » Nam si Apostolus illas, quæ a proposito viduitatis discesserant dixerat habere damnationem, quia primam fidem irritam fecerunt (*I Tim. v.*), quanto magis hæ quæ fidem frangere conatæ sunt? Et nos etiam, ut venerabilis Innocentii probatissimæ auctoritatis dicta sequimur, si illas Apostolus damnabiles perhibet, quæ solummodo viduitatis propositum dissolverunt; quid de illis dicendum est, quid utique perhibendum, qui sæculum deserunt, possessiones abjiciunt, Creatori suo se ultroneos offerunt, alienæ se ditioni submitunt, et ut mundo funditus mortui videantur, mortificationis, et sanctitatis habitum induunt.

Quod autem nunc etiam de feminis loquimur, nequaquam fieri extra lineam propositi operis, arbitramur. Salvo enim eo, quod eadem lex erit viro et feminæ; idecirco etiam ad muliebrem sexum nostra se extendit oratio, quia viuum, quod male nasci jam in viis aspicimus, pullulare etiam quandoque et in feminas formidamus: et sicut in his ortum invectionis sarculo **370** studemus evellere, ita etiam in illis ne oriri valeat, præcurrimus nascendi auditum opilare; ut velut male abortivum germe prius cogatur mori, quam valeat nasci; ante in semetipso marcescat quam in gemmas erumpat.

CAPUT VII.

Confirmantur supra allata.

Libet nunc animum paulisper ad superiora reducere, et ex his, quæ præmissa sunt, postpositis Patrum exemplis, cum adversario modo propriis assertionibus disputare, ut qui tam gravi, tam multiplici

A canonum auctoritate confunditur, nostris etiam rationibus probabiliter supereretur: quatenus argumentationum circulus sic undique labia dolosa constrainget, ut a tam perversa doctrina necessario in perpetuum conticescat; ut et de nobis merito dicatur: quia non dedimus cornu peccatori; et de illo jure cum Psalmista cantetur: « Quoniam obstructum est os loquentium iniqua (*Psal. LXII*). »

Age ergo, quid est quod dicitur: « Quia nisi qui regulariter protractus, et per annale spatium sit probatus, etiamsi conversus sit per ægritudinem, absolutam relabendi ad sæculum habeat libertatem? » Nunquid qui hoc de valentibus censuit, idem nihilominus de languentibus judicavit? Sed quis vel insanæ mentis homo non videat quia quilibet languidus, vel jam morti propinquus hanc observationem prorsus adimplere non valeat? Si igitur omnes simul homines sanctus Benedictus hac sententia comprehendit, patet profecto, quia ægris et omnino debilibus, qui ad perferendum non assurgunt, conversionis aditum obseravit. Sed quis ferat hoc de sancto viro suspicari aliquatenus posse, qui non solum ab hac, et ab omni peste hæreticæ pravitatis alienus exstitit, imo Spiritu sancto plenus, tot signis attestantibus evidentissime claruit? Quis illum ferat per Novatianorum hæresim homines ad desperationem trahere, qui per sacræ doctrinæ sinceritatem tot animas hominum videtur quotidie ad spem æternæ vitæ reducere? Fateamur ergo necesse est, hujus præcepti normam incolumes tangere; ad ægrotos autem nullatenus pertinere.

Sed nunquid si absque corporali molestia quisquam ad monachicum ordinem sine probatione devenerit, huic nequaquam redire post tergum noster episcopus prohibebit? Dic, obsecro, legisti aliquando monasticæ vitæ propositum, secundum esse baptismum? Sed quia hoc invenire in dictis Patrum perspicuum est, negare licitum jam non est. Non ignoras etiam quia decretali rursus antiquorum sanctione præcipitur, ut ad baptismi gratiam productiora temporum intervalla tendantur. Ut enim ecclesiasticæ institutionis ordinem breviter tangam, sicut septem sunt dona Spiritus sancti, ut etiam septem dona baptismi, a primo videlicet pabulo sacerati salis, et ingressu Ecclesiae usque ad confirmationem sancti Spiritus per chrisma; quæ omnia, sicut frequentius, agitur, expedit ut per diurna temporum spatia compleantur. Sed si quis postposita morosæ intercæpedinis **371** observantia, ad plenitudinem baptismi repente proruperit; hunc, rogo, baptismum invalidum judicabis? Docebis hunc hominem debere totum, quod acceptum est, parvipendere; et, ut salvus fieri possit, adhuc ad purificationis mysterium properare? Loquere, responde: censem ne hunc hominem baptismi lavacrum jure posse repetere, qui ad baptismum non iudicto ordine præcipitauerit ausus est prosilire? Cur taces? Nimimum tantopere loquendi avidus non sic obmutesceret, si haberet aliquid quod rationabiliter responderet. Sed non

ambigo, quin constanter affirmes et hunc baptismum adeo ratum esse, et validum, ut quisquis ex illo renascitur, jam procul dubio sacrilegum sit, et omnino nefarium, si ad ejusdem regenerationis sacramentum denuo revocetur. Consequitur ergo, ut quod ex primo baptisme sentire compelleris, hoc etiam de secundo, monachico scilicet instituto, inevitabiliter fatearis. Et sicut prior semel susceptus nullatenus valet repeti, ita etiam secundus nulla potest juris ratione contemni.

Verumtamen dic, obsecro, quis sanctorum, quis antiquorum Patrum sub hac, quam insolenter asseris, probatione conversus est? Nunquid Antonius? Nunquid Paulus? Nunquid Hilarion? Nunquid et ipse sanctus Benedictus, qui ista, sicut tu falleris, videtur præcipere, sub hac probationis observantia ad monachicum legitur ordinem pervenisse? Perccarre, quæso, cunctas veridicæ antiquitatis historias, et cum non possis vel unum per tam longa temporum intervalia probatum ostendere, necesse est, ut confitearis te calcetenus superatum, victoris insultationibus merito subjacere. Sane quo pacto cuncta exempla veterum, omnia gesta Patrum arroganti supercilio præteris, et contemptis omnibus, ad unius te sententiae centrum obstinatus astringis? Nam si illi procul dubio sancti sunt, necessario sunt etiam imitandi. Quod si imitandi non sunt, nec omnino sancti sunt. Cernis, o bone litigator, quorsum vergat hæc tua docta sententia? Cogeris ergo necessario confiteri vel sanctos Patres nostros omnino sanctos non esse, vel eos, qui noviter convertuntur, magnopere probationibus non egere. Erubescat ergo lingua phrenetica, et quæ nescit esse facunda, discat esse vel muta. Nescit aliquid utiliter dicere, sciat saltem sine damno tacere. Serpit enim sermo iste perversus, ut cancer, qui nisi ab uno membro cisurgio acutissimæ reprehensionis absciditur, nulli dubium quin ad sana Ecclesiæ membra pestifera dilatetur.

CAPUT IX.

Probatio ad religionem venientium cur exigatur.

Sed ad hæc respondebis fortassis, et dices: Cur ergo probatio ista in commune præcipitur, si non etiam generaliter observetur? et ego abs te quæro: dic mihi, qui præcipit ut sub hac probatione quis ad conversionem veniat, ubi etiam censuit, ut aliter veniens, a monachica institutione recedat? Et cum ostendere 372 hoc minime poteris, competens est ut credas, quia propter vagos homines, et duplices animo dictum est magis cautela consilii, quam auctoritate præcepti. Qued facile dignoscitur, si vel initium sententiae ipsius, de qua agitur, attente legatur. Dicit enim (S. BEN. Reg., cap. 58): « Noviter quis veniens ad conversionem non tam facilis tribuatur ingressus, sed, sicut ait Apostolus, probate spiritum, si ex Deo est (I Joan. 13). » In quibus verbis patenter agnoscitur, quia quisquis ad conversionem divino Spiritu provocatus accesserit, tam morosæ probationis intersticio penitus non

A egebit. Tolle siquidem duplē spiritum, probatio- nis continuo cessat experimentū. Pulset ille Spir- tus, qui dicit: « Ego sto ad ostium, et pulso (Apoc. 1); » si cognoscitur, huic certe nulla mora protrahi- tur, nulla probatio quæritur, sed pulsanti protinus aperitur. Denique sicut ex apostolico exemplo col- ligitur, quod illie ponitur: « Probate spiritum, si ex Deo est; » probatio ista magis suscipienti est necessaria, quam venienti: videlicet ut suscipiens internoscere valeat, quo impulsus spiritu suscipien- dus accedat. Nec jam probatio expedit, ubi qui pro- bandus est, perspicaciter innotescat. Ibi quippe lu- cernam accendimus, ubi quod occultum est non videmus; si autem quod latebat aspicitur, lucerna protinus extinguetur. Sic sic nimirum de cuius

B mente, quo spiritu ducatur ambigitur, valde neces- sarium est ut probetur. Ubi autem conscientia ma- nifesta claruerit, probationis exercitium inanescit.

Et cum (teste ejusdem libello regulæ) cuncta pene hujusmodi negotia in abbatis arbitrio et potestate sint constituta, cum quilibet eo modo ad conversio- nem venerit, sicut illi ab abbate præcipitur; quam impudenter, quam inconsulte, quam infrunite quis asserat, ut illa conversio irrita judicetur? Certe eadem regula præcipit, ut abbatis mensa cum pere- grinis et hospitibus semper sit. Sed quia modo propter reprimendam quorundam crapulam, et luxuriosa convivia, religiosi cœnobiorum rectores miniime faciunt; te judge, ab officio suo removendi erunt? Qui nimirum dum sancti doctoris inten- tionem vigilanter aspiciunt, sequi verborum super- ficiem parvipendunt; dum medullam vivificatoris Spiritus ruminant, occidentis literæ paleas calcant. Sed sicut et hic propter saporem intelligentiæ, litterarum corticem postponi non prohibes, ita etiam de conversione monachi eadem necesse est consequen- ter affirimes.

Sed quoniam ex quadratis argumentationum no- strarum lapidibus inexpugnabile munimen ereximus, consequens est, ut hoc in ipsius calce opusculi quadam syllogismi clave firmiter obseremus. Omnes namque, qui monachicæ professionis habitum suscep- perunt, aut spontaneo judicio sunt conversi, aut vi coacti, aut suasoria calliditate decepti: qui autem sponte conversi sunt, vel sub probatione ad mo- nasterium veniunt, vel postposita probationis diffi- cultate prorumpunt. Sed jam superius posita multipli canonum auctoritate firmatum est, ut qui- cunque aut sponte conversi sunt, aut coacti, aut etiam decepti, sive probati sunt, sive non probati, excepto si uxoris consensum et pro- missionem 373 non habuerunt, omnes perseverare in eo, quem acceperunt, monachico ordine omni- modis compellantur. Concludatur ergo necesse est, ut omnes qui monachicæ professionis habitum suscep- perunt, exceptis his, qui absque uxoria permissione, et promissione conversi sunt, quocunque alio modo ad hoc præpositum venerint, in eo, quem cœperunt, ordine compellendi sunt omnimodis permanere

Ecce, ut opinor, et catholicorum Patrum testimoniis cinctus, et perspicuae veritatis multimoda ratione vallatus; ita es ex omni parte constrictus, ut tu contra haec nihil prorsus opponere, nullo pacto ac rediviva te possis ulterius certamina reparare. Quapropter da manus, et confitere te ignorasse quae dixeris, et tuum tibi met judicium per omnia disciplinare, imo adversus ea, quae incaute protuleras, omni studio retractationis accingere: et ut eos, qui per te in errorem lapsi sunt, auctore Deo, ad restitutionis viam valeas revocare. Vertatur docta manus in praefatio, et pro illis stare prudenter studeat, quos oppugnare pertinaciter satagebat; ut de te ad laudem Dei cum Paulo merito possit dici: « Nonne hic est qui expugnabat in Jerusalem omnes, qui invocabant nomen istud? » (Act. ix.)

Parce, quæso, labiis meis, quisquis es venerabilis præsul: et si quid in te asperum blasteravi, si quid amaræ commotionis effudi, non typum arrogantiæ eridas, sed zelum justitiae clementer indulgeas. Ego enim dummodo vel una erroris spina de nemore sanctæ Ecclesiæ mea opera possit evelli, non refugio cuiuslibet in me præve sentientis invidiam provocari. Nec te pudeat errorem tuum junioris fratris redargutione corrigerem; dum non ignoras apostolorum minimum ipsi apostolorum principi in faciem restitisse (Galat. ii). Et si forte respondeas, quia Paulus, licet minimus, tamen coapostolus; **374** ego autem non coepiscopus; audi saltem quid Deus hominibus dicat:

A « Venite, inquit, et arguite me (Isa. i). » Si ergo Deus, ut ab hominibus redarguatur, invitat, satis dignum est, ut homo correptus ab homine, zelum fraternalis charitatis æquanimiter ferat.

SCHOLIA.

Si in qualibet minori ritate vel religionis tonsuram, vel religionis debitam vestem, in utroque sexu filiis, aut unus, aut ambo parentes dederint, certe vel nolentibus, aut nescientibus susceptam, et non mox visam in filiis, abdicaverint, vel coram se, vel coram Ecclesia, palamque in conventu eosdem filios talia habere permisserint, ad sæcularem reverti habitum ipsis, filiisque quandoque penitus non licebit. Decretum est hoc concilii Toletani x, quod S. doctor pro rei occasione ad hunc locum reserre voluit. At dum ille videtur asserere, oblatos monasteriis a parentibus pueros, B cum ad annos discretionis pervenerint, teneri postea in illis perseverare; intellige id ex debito reverentiæ quam parentibus, a quibus oblati fuere, debent. Sic enim decere videtur, ut in cœpta vocatione permaneant: præsertim cum jam sibi veluti habitum et religionis disciplinam paraverint. Nam de rigore neque parentes ad ingrediendam religionem filios obligare possunt: imo et filii jam oblati cum ad annos discretionis pervenerint, ut ad sæculum redeant, reclamare poterunt 10, q. 1, cap. 1. Cum simus, De regular. S. Thomas quodlib. 3, q. 5, et 2-2, q. 189. Cardinalis Turrecremata tract. 123, in Reg. S. Ben. ad cap. 59. Sylvester, verbo Religio, q. 40. Concilium Trid., sess. 25, cap. 15 et deinceps. De hac eadem re plura videoas apud S. Bernardum, Epist. 1 ad Robertum nepotem suum.

Sit nomen Domini benedictum.

375-376 OPUSCULUM DECIMUM SEPTIMUM.

DE CÆLIBATU SACERDOTUM. AD NICOLAUM SECUNDUM ROMANUM PONTIFICEM.

ARGUMENTUM. — Publicam ecclesiasticorum virorum lasciviam ac petulantem vivendi licentiam comprehendam esse; quantoque nobiliores sunt qui peccant, eo majore animi ardore, ac libertate reprehendendos, exemplo egregio Phinees, fornicarium illum nodum disrumpentis, demonstrat. Quæ res adeo cordi Deo suit, ut inter cætera ob tantam rem bene gestam, collata dona, quæ in senecte Phinees jure optimo promereri voluerit, sempiterni sacerdotii sæcere sit cumulatus. Contra accidere desidiosis rectoribus, et flagitiis subditorum conniventibus, Heli sacerdotis admonet casus. Demum acriter in fornicarios sacerdotes atque episcopos, tum validis argumentis, tum saeræ auctoritate Scripturæ invectus, Nicolaum summum pontificem bortatur canonica inductione, ut male peccantes coercent; ne dum nimium pius indulgensque in alios sit, alienam ipse in se transferat pœnam.

Domino NICOLAO summo pontifici, PETRUS peccator monachus debitæ subjectionis obsequium.

Nuper habens cum nonnullis episcopis ex vestræ majestatis auctoritate colloquium, sanctis eorum semoribus volui seras apponere, tentavi genitalibus sacerdotum, ut ita loquar, continentiae fibulas adhibere. Sed quoniam haec est secta, cui ubique contradicitur; aliud quidem quodcumque vestræ constitutionis imperium sub spe perficiendi, sidenter indicimus. Hujus autem capituli nudam saltem promissionem tremulis prolatam labiis difficilius extorqueamus. Primo, quia fastigium castitatis attingere se posse desperant: deinde quia synodali se plectendos

C esse sententia propter luxuriæ vitium non formidant. Nostris quippe temporibus genuina quodammodo Romanæ Ecclesiæ consuetudo servatur, ut de cæteris quidem ecclesiasticæ disciplinæ studiis examen; prout dignum est, moveat; de clericorum vero libidine propter insultationem sæcularium dispensatōrie conticescat. Quod certe satis correctione dignum est, ne unde vulgus omne conqueritur, inde potissimum a magistris Ecclesiæ in judicio taceatur. Si enim malum hoc esset occultum, fuerat fortassis utecumque ferendum; sed, ah scelus! omni pudore postposito, pestis haec in tantam prorupit audaciam, ut per ora populi volitent loca scortantium, nomina